

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit395

Édition critique

1281, 30 novembre.

Type de document: Charte: abandon

Objet: Guy de Monléon, chevalier, et les siens abandonnent à Philippe, roi de France, le Château de la Motte de Montmorillon avec tous ses hommages et droits pour deux cents quatre-vingt-cinq livres de rente et mil deux cents livres payées comptant.

Support: Charte scellée de quatre sceaux.

Lieu de conservation: Archives Nationales, J. 180 A, pièce 27.

Transcription de la charte

1 À toz ceaus qui ceste presente lettre verront e orront, **2** li official
 de la court l'evesque, dou doyeane e dou chapitre de Peytiers, saluz en
 Nostre Seignor. **3** Sachent tuit que en nostre presence par
 sonaument establiz, **2** Luce dite Montleone, mere Guy de Montleon,
 chevalier, le dit Guy de Montleon, chevalier, e Agnés, sa femme, **4**
 reconurent en droit par davant nous que les covenances que sunt
 entre excellent prince **3** Philippe, par la grace de Deus, roy de Fra
 nce, tres noble, d'une part, e le dit Guy de Montleon, chevalier, par
 noun de soi e par noun de la dite Luce, sa mere, e de la dite Agnés,
 sa femme, e par lour asentement e **4** par lour bone volenté e par le
commandement des dites Luce e Agnés d'autre, de la terre de
 Momorillon e des *apartenans* sunt teles: **5** c'est à savor que le dit
 Guy de Montleon chevalier, par noun de soi e par **5** noun des davan
 dites Luce e Angés, **6** baille, otroie e delesse à nostre seignor le roy
 davan dit à perpetuauté e à toz jour mes le chasteau de la Mote de
 Montmorillon o tote la baronie e o tot les homages au dit chas**6**teau
apartenans e totes les rentes que le dit Guy e la dite Luce Montleone
 e la dite Agnés, femme au dit Guy, **7** e chascun d'eaus hount e avor
 poënt e doënt en la vile e en la chastellanie de Momorillon, e totes **7**
 lour droitures en *quecumques* choses que eles soient, en rentes de
 vile e defors vile, en justices, en garenes, en boys, **8** e nomement la
 forest de Chavaingne e en totes autres choses, queles qu'eles soient e
 co**8**ment que eles soient nomees, **9** o tot le droit que le dit Guy e la
 dite Luce e la dite Agnés e chascun d'eaus hount e poënt avor e
 deyvent en dites choses *apartenans* au dit chasteau, por sis vinz e
 dis libres **9** de tornoys de rente, des queaus nostre seignor le roy
 desus dit rendra, si come les diz Guy, Luce e Agnés conoissent, **10**
 cent libres chescun an à toz jour mes par la requeste e par le gré des

davan diz Guy, Lu¹⁰ce e Agnés à Momorillon· **11** C'est à sabor à Aaliz, dame de Payré, e à Johan Patriz, son filz, e à lour heysr seysante e cinc libres; **12** e à Guitard Forbandi, chevalier, par reson de Margarete sa femme, e à ses heysr trente cinc ¹¹libres de tornoys à tenir de nostre segnor le roy devan dit en la manere que les dites parsones tenoient la dite rente dou dit Guy de Montleon· **13** E en doit li roy garir le dit Guy, si li autres l'ensigoient, si come re¹² conoissent les diz Guy, Luce e Agnés· **14** E trente libres de tornoys de rente, les queles a fet asoer nostre sires li roy au dit Guy de Montleon par la volenté e o l'asentement des dites Luce e Agnés bien e sof¹³ficeaument en lucs desouz nomez: **15** c'est à sabor à Neyntré vint e une libres e dis souz tant en molin qui est desouz Neyntré en la riviere dou Cleyn, o toz les monanz, come en prez e en terres e en houmes e ¹⁴en moysons e en autres choses que le roy avoit illeques; **16** e quarante souz de rente à Puymillerou, e cent souz que Johan de la Forest devoit au roy sus l'erbergement e sus les apar tenances de la Griffi¹⁵ere pres de la Chapele Roye; **17** e trente souz por le pasturage de Moliere au bestes des houmes au dit Guy de sa t erre de Toffou; **18** de la quele assignation des devan dites trente libres de rente se tenent por bien païé ¹⁶enterinement les davan diz Guy, Luce e Agnés· **19** E tendra le diz Guy les dites trente libres de rente de nostre seignor le roy desus dit à la foi e à l'omage e à devor que le dit Guy li fesoit par davant par reson ¹⁷de l'usage que il ha en la forest de Moliere appartenant à sa meson de Toffou· **20** Et outre ce, a doné e payé nostre sire le roy desus dit au dit Guy de Montleon, par la volenté e o l'asentement des davan dites ¹⁸Luce e Agnés, si come iceus Guy, Luce e Agnés conoissent, par reson dou chasteau e de la baronie de Momorillon e des homages e de la forest e des boys davan diz, outre la value des dites rentes, **21** doze ¹⁹cenz libres de tornoys en deners nombrez e contez e enterinement paieiz;

22 dou quel payment le davan dit Guy, Luce e Agnés se tenent por bien payez e en quitent de tot en tot le dit nostre seignor le \20 roy e les siens· **23** E est à sabor qui li dit nostre seignor le roy, si come conoissent les diz Guy, Luce e Agnés, doit garantir e defendre au dit Guy e à ses heyr à toz jour mes les davan dites trente livres \21 de rente, que il li a fet asoir en lucs desus nomez, vers toz e contre toz **24** e doivent les choses desus dites que remeignent au roy remeindre chargees de annienes aumones e les usagiers, si come \22 eles estoient par davant, si come les diz Guy, Luce e Agnés conoissent· **25** Et à totes cestes choses desus dites e chascune par soi enterinement tenir, gardier sans enfreindre e à non venir encoun\23tre en quecumque manere e par quecumque reson de droit ou de fet, de usage, de costume, de establicement e par quecumque autre reson, **26** se estreinserent les davan diz Guy, Luce e Agnés par les seremens de \24 lour cors donez sus les Seyns Evangeles corporaument tochez· **27** Et renuncierent par lour seremens à tote defense e à tote allegation de deception de circumvencion, de paour, de creynte, de force, de le\25sion e à tot droit que defent alienacion des choses de doare e à tot droit que porroit aydier en tiel cas à femmes en venir encontre, **28** e à excepcion de deceivement outre la moitié dou droit pris e de non \26 nombré pecune e non hue e non receüe, e à totes autres excepcions, actions, defensions e resons par quoi il porroient en aucun tens venir encontre les davan dites choses ou aucunes de eles en court \27 de eglise ou en court laye en jugement ou defors jugement, ou de droit ou de fet en quecumque manere· **29** Et en tesmoing de ceste chose, nous, à l'instance e à la requeste des davan diz Guy, Luce e Agnés, a\28vom mis à cestes presentes lettres le seau de nostre court ensemblement o les seaus des diz Guy, Luce e Agnés· **30** Ce fu doné le dimanche enprés la feste seynte Katerine en l'an de grace ·M.CC.

quatre vinz e un·